

花  
宜  
館  
詩  
鈔

花宜館詩鈔卷之十五

錢塘吳振棫宜甫

古今體詩八十二首

起壬子春  
盡乙卯冬

喜見陶臯薌太常

八十今重見聲名未寂寥  
刀頭賒一死

林清之亂君在  
文穎館幾死于

賊詩卷老

三朝紅豆春仍好

紅豆君  
齋榜名

青鞵興未消耆年

天子重不遣返耕樵

三歎

長安朱邸太崢嶸  
蠹啄能無仆  
屋驚挾瑟爭趨門下客

橫刀新典禁中兵稷蠶瑣瑣憑誰掇仗馬森森久厭鳴  
不見漢家垂史筆廢書三歎想閒平

京師故人多以酒食相招且問近狀因作一詩畱  
之

近來髮短只憂時慰藉頻勞覆玉卮得句味酸吟亦厭  
對枰劫急應偏遲醉猶論事醒常悔壯不如人老可知  
補報萬分無有一撫心真媿北山移

喜兒子春杰至

送爾黔陽日扶棺東郭門

道光甲辰兒子扶護  
王夫人柩歸杭州

九年空

夢憶一見亦

君恩余奉命入覲兒入仕兒無母成行我有孫相

看翻默默歡戚意難論

讀笏庵詩

所師於古是南華蘇放陶真合一家大抵空巖蟠瘦幹  
偶然絕壑吐疎花散禪入聖空纏縛嫠婦憂時數怨嗟

祭酒洪源君異派咀含正味總無邪祭酒有有正味齋集

留別鳬薌太常

行年八十氣猶雄北海清樽不放空綴述力承蒲褐老

鳬薌爲王侍搜羅心似竹垞翁以詞綜補閒中歲月看

仙蝶太常寺夢裏江湖逐遠鴻黍負君招近局飄颻

秋藿又隨風

四月九日清苑道中書所見

四月九日日加申老龍上天亂吐雲雷先電後相擊逐  
司之者誰意怒嗔村人仰頭立阡陌道是雨來深一尺  
莫愁秋種下已晚先救將枯未枯麥語猶未畢風捲塵  
黑山飛來直壓人聲狂勢猛出倉卒走避無地翻逡巡  
雷聲漸遠風力殺東望山移百里外豈真妖魃讐吾民  
盛世有此頗疑怪君不見星罕雲旃百里間太平

天子上橋山淚揮空石痛何極況聞水旱心煩煎風師  
爾亦當解事莫遣吹過黃帳前

時

慕

聖駕以釋服至  
陵蹕路去此不

遠

靈石道中謁淮陰侯祠因簡朱堯峯

瑛明府

雲陰吹不散四月颯如秋亂樹藏荒碣青山屬故侯

祠在

韓侯嶺

將才從古少戰火幾時休粵客歛歔久鄉園萬里

愁朱桂林人時桂林被賊攻甚急

麥客行

有序

麥客十九籍甘肅麥將熟結隊而至肩一襍手

一鎌傭爲人刈麥自同州而西安而鳳翔遂道

階成而歸歲旣久至者益衆官吏懼有意外之

擾頗邏察之不能禁也蓋秦人呼爲麥客云

連畦被壠麥欲黃麥客麥客來河湟從朝割麥逮晡黑  
無田翻比田夫忙一村復一村一縣復一縣百里千里  
兩腳遍姓名鄉貫誰爲辨但喜今來傭直賤傭直賤奈  
何人日受錢百村蔬甚肥村酒白持以供客客意適兒  
能腰鎌婦亦健自有筋力胡愛惜未必家家多收十斛  
麥何爲歲歲將錢輸麥客

至西安詩船連夕招飲并和前來字韻詩仍用前  
韻報謝

黃埃十丈馬蹏催又指秦雲覓鳳臺萬事一如春夢過  
四年三看華山來杯中蟻泛前楹月扇底蚊收晚市雷

珍重故人無限意似因衰憊惜微才

詩船得楊子鶴所畫江南春復屬幕客顏朗如別  
爲一圖詩船又自爲一小幅連綴成卷蓋以寄

懷鄉之意也和吳子苾

式芬

方伯韻

君不見秦隴西來山萬曲不似橫雲山色綠何人解識  
江南春細染粗皴成此幅仙館正對終南峯來去白雲  
衣袖中時平事簡退衙早落筆嬾誇文字工主客蕭然  
罷笙阮溪山翻出新樛本子規聲裏話行藏回首滄波  
極天遠

建木以壬子元旦得孫葉桐君學博用東坡賀子



由得第四孫斗詩韻爲賀春木建木皆有和章  
余至西安得二君書及詩因和原韻二首

解鞍覆盎門熱甚汗如沐是時月方午令節蘭未浴得  
君斗孫詩開緘爲三復遙知綴筆候繞室笑摩腹家風  
積仁厚齋榜警知足

所居有知足齋

二難况稱賢世以潛德目

如何老無俚屢折庭樹玉

春木屢有殤孫之戚

此蓋數所乘非關

失培沃今年大歡喜喜氣入爆竹賀客重疊來椒酒趁  
新熟由茲索再三易訓吾舊讀報施豈茫茫庶可豁聽  
矚弟兄老猶健耄耄理可卜但當笑口開弗更家事督  
歲朝世所重家人謹齋沐喜氣忽充閭走報繡紉浴前

年吾家事君家今亦復是龍定非豬但未辨頭腹蝨斯  
九十九詎謂一夔足卽今已慰懷瑤瑜光溢目自君隱  
邱樊種德如種玉可知百穀蕃端賴五土沃異時解雒  
誦含飴蔭桑竹一年通一經更令文選熟先正有遺言  
雖愚亦當讀讀書豈求仕人情有欣矚窮達匪我操梯  
黃毋預卜無妨五湖長亦可八州督

詩船以蘭竹及鍾進士搨本見貽卽用前韻奉酬  
畫竹風細搖畫蘭露微沐驅遣秋兔豪日向硯池浴何  
須樵仲圭不必仿道復譬如詩家豪藁本在吾腹十指  
如春風要使生氣足習此已有年早入畫人目近爲進

士像肅若主搢玉明朝值重五蒲酒會相沃西南浩妖  
鬼書罪欲罄竹老尺善驅除舊說聞已熟此意希太平  
淺之當畫讀雕鏤壽妙蹟刻石嵌節署壁上揭贈快新矚呼奴  
亟弄藏首塗日已卜草草酬短章恐有騎兵督

讀國朝文錄仍用前韻寄春木

大儒爲文章匪曰飾膏沐於廓元氣包滄海日月浴諸  
家亦騰躍妙義自迴復誰能網一代千卷挂其腹善化  
昔有編義法未求足論事隸六曹經世有題目善化賀  
生嘗輯皇朝經世文編以經君意頗異同似惜混珉玉  
世爲主文之工拙不甚計也文當華實兼方可衆心沃頭白苦搜羅半世疲楮竹吾

曹尋知契討論到精熟用以餉後來知味當百讀聖軌  
範馳驅藝苑暢遊臨張公任刊校斷手歲改卜離合例  
區區何事相繩督詩齡刊是書凡一家之文每篇皆離  
之春木則謂當連屬不當離也其實  
所重在文刊書無定  
例豈足爲重輕耶

急雨

銀竹森森急陣傾莫鞭瘦馬向前行村橫野水忽無路  
山吐亂雲如有聲纔看林臯餘景斂頓憐巾袷薄寒生  
不知竹崦松巒外幾處新添瀑雪明

端午至寶雞簡宮小楣

兩錫

明府

秦女荒臺入亂峯城臨清渭影溶溶再三敢憚長征苦

余入棧凡重五真難短至逢夏至稀逢端午日百年難  
三度矣月初四日夏至野足麥牟春不早吏疲廚傳縣當衝廿  
相隔僅一日耳年舊雨多情話翠醕香蒲興未慵

桂湖謁楊升庵先生祠

湖水碧加此魂兮歸未歸吟身老蠻徼杖血裹朝衣昔  
我蒼山畔高樓拜落暉南行今白首滇之蕩山寺有先生寫韻樓余嘗至  
寺瞻謁遺像今奉命風月思依依風月重含情先生撫滇蓋相去三十年矣  
也

桂湖六絕句

面面波光鉅砌平宵來舫屋夢魂清明知不是西湖水

許我勾留也有情

聽事額曰  
一半勾留

只生苔蘚不生塵曲檻虛廊日幾巡  
但有亭臺都傍水  
白鷗洗翅看遊人

夕陽烘染十分黃領略仙林萬斛香  
城裏花開城外見

女牆攔不住秋光

傍城堞桂花百  
餘樹皆盛開

五月花無七月紅

余五月杪至此荷花僅  
有一二枝今乃盛開

湖西花更勝

湖東秋風恐負重來客  
亂剪仙裳錦樣工

晚荷早桂並時誇  
妙景雙收興更賒  
可惜三年香雪裏

不曾杯酒酹梅花

湖壩植梅甚多惜  
花時未能一遊

一雨橋痕碧漲侵  
水風無暑坐更深  
飛蚊定是詩魂化

竟夕伊吾作苦吟

飯昭覺寺敬和先大夫集中自歡喜庵至昭覺寺

韻

初陽紅上古牆腰來覓荒涼臥月寮好碾雲稂供香鉢

繞寺皆田  
稻已黃熟

亂拋金粟綴秋條

桂花盛開

留題未得先人筆勸

飲還傾老衲瓢一瞥卅年塵世事輸他蒲褐謝煩囂

天涯話別圖

有序

余同祖弟兄七人今惟余與嘯雲大雲兩弟在

耳嘯雲寓蜀人道光己酉余官蜀藩大雲亦

由山左入蜀聚處譚笑忽忽遂三年餘咸豐

王子余將往撫滇大雲歸杭州嘯雲則猶留  
蜀也未諧湖山之約復成酸冷之別秋風乍  
起愴然於懷大雲寫亦園風景爲此卷而余  
以三詩系之

皓首遷官仍萬里羈鴻分影乍驚秋  
怱怱香國三年住  
莽莽邊城兩度遊客夢易醒  
偏夜雨天涯難買是歸舟  
相逢重話西園舊  
蘇徑筠廊卷裏留

錦城雖樂非鄉土  
西笑心情遠望中  
謀養真憐返哺鳥  
嘯雲子廉生  
需次陝西  
攜家還作寄居蟲  
對牀無侶將焉倚  
懷刺

投人未易通挑盡冰荷商去住  
吾曹身世總飛蓬



蜀遊定較黔遊勝

大雲昔嘗從余於黔

飯白魚香酒璣寬久住如

家忘作客早歸輪爾是無官屋頭茅敗應重葺畫裏山

多耐臥看

大雲善畫

好向湖塹製漁具短簑待我釣晴灘

嘯雲大雲兩弟皆有和作復用元韻三首

推排自笑郎當甚鮑老登場四十秋未有微勞酬

異數豈真衰齒嗜狂遊門前行色驚嘶馬江上愁心看

去舟采得文無頻寄取蠻方怕作賈胡留

每經舊館思前事彷彿書聲燭影中

余童年侍先大夫居成都之內姜街

嘯雲亦奉叔父同寓焉今門巷猶可指識

小小枉教誇健犢

先大夫嘗用杜詩意有肯信一

雛黃犢健句益謂余也

病羸時恐作聾蟲

去年耳病甚劇

詩慚蜀錦千篇

麗夢落吳船萬里通同在天涯還話別一生誤我是桑蓬

江鄉聚首知何日老去心情強自寬獨臥大佳勝讀服平  
散閒吟爲戲莫供官肯忘夜雨聯牀聽更約秋潮出郭  
看但作信天翁最好不憂饑死戀晴難

東生黎伯兩姪亦和前詩復用元韻三首

因爾新詩懷故里湖壩風物最宜秋掉頭何事不肯住  
放腳遠來從我遊家世無田惟食硯坳堂有水易膠舟  
謀生顛倒無窮想馬首東西判去留東生將入秦黎伯則同赴滇南  
聞說城東纔買屋兒子春杰爲余買杭州孫氏舊屋甫書券也便思蹉臥蒔

窩中有樓宜雨亦宜月無事釋魚還釋蟲天與以閒聊  
燕息物之爲病類犀通如何重踏蠻荒路相對應憐髮  
似蓬

蝸角蠅頭真瑣瑣爾曹眼界放須寬休忘彭澤詠貧士  
豈有王睢愛熱官一霎雨雲翻手歎百年露電轉頭看  
臨歧苦語無忘卻世路危於灩澦灘

嘉慶間先大夫知資州州有重龍山寺歲數至焉  
去今四十寒暑矣壬子八月過資因復往遊感

賦

當時不自意髮禿此重來骨肉更誰在江山真可哀鐘

懸枯樹雨蟲咽壤牆苔只有天池水依然碧鏡開

內江道中口占

百頃森梢碧似油蔗林風露入新秋家家一卷糖霜譜  
嬾買春田捲角牛

瀘州

列岸千廬水萬艘瀘南都會亦雄豪江鳴曉郭波初合  
山入諸蠻勢漸高燈下吟蟲何唧唧天邊歸雁正勞勞  
族兄南林久客於瀘今年始歸里食魚漫說西湖好亦有香羹下濁醪  
瀘產鰻味頗美

渡赤水入黔境

夕渡喧沙岸灘聲鼓吹聲長波劃黔蜀諸嶺互陰晴木  
葉蕭蕭下墟烟隱隱生憐余頭更白父老尙多情

### 威甯

斗大一城耳荒涼絕可憐山寒秋見雪潦盡海爲田有子甚大水落處可耕種野屋多依箐蠻丁只採鉛行窩容短榻久  
客旅魂便

### 宣威州

南行今喜到宣威重見滇雲映夕暉江水北盤沙鳥亂  
盤江州有北嶺雲東擁石龍飛石龍山在州東爲滇黔兩界險要之地陽坡土  
曠宜開圃霜月人貧未授衣多少風光急暮寫詩家遊

展古來稀

九日宿板橋

地煖霜遲葉未秋板橋垂柳拂溪流看山那得騎牛日

作宦難逢有蟹州

北年由黔而蜀而滇皆不產蟹

別久點蒼還入夢

恩深垂白敢言愁願將佩菊囊莫意一遣南天瘴癘收

八樹軒作

庭有嘉樹八署額江右譚

譚古愚中丞名尚忠額爲乾隆壬子歲書

吾祖適

遊滇幕府賓僚參其年在壬子家書報生男

余以壬子歲生

遷六十載義鞭不停驂我已皤然翁髮短不滿簪不意

昇旌節病馬來趨趨無能去壅蔽何以遏叨婪苛政一

不施食貧民所甘賢躅豈易繼祖德尤自慚惟當亟投  
効息影歸書龕遺安及後嗣高位非可貪

滇中十月後梅已作花而綠葉滿枝未落也

重重如裏碧綃衣掩映仙膚萬玉如畢竟春情瞞不住  
靈香先逐曉雲飛

花格何曾瘦更寒看花還帶綠陰看畫師讀盡梅花譜  
如此春光畫卻難

山海棠高二三丈花嫣紅五出繁萼攢簇跗有垂  
絲絕似海棠冬至前作花

我自海棠香國來蠻花也報海棠開十分寫作霜中豔

不待東風巧翦裁

似愁梅蕊太清癯點綴肥冬一兩株更莫漫山笑桃李  
問他粗俗可能無

萬壽庵山茶歌

滇南茶花甲天下處處高枝壓檐瓦就中細數孰第一  
荒庵老樹無與匹昨日野鶴將書來爲報庵中花已開  
青絲絡壺命儔侶侵曉速往無遲徊馬蹄未到三四里  
驚見花光半空起擲鞭下馬搗板扉石上青蟠根十圍  
舉頭仰看雙目眩十日爭射構桑輝九心十八瓣半月  
色不改似鍊荆山砂絕勝隋苑綵不知何仙人遊戲弄



真宰丹霞爛嚼睡九天須臾幻出珊瑚海帝梵天王大  
歡喜照破世界黑暗矣風霞山門二百年妙華寶猷春  
如此座中一客稱畫手我今壽以玉卮酒剡藤脂滑好  
作圖客謝不能但搖首可惜世無韓昌黎不能爲花寫  
瑰奇陸渾山火一篇在請看大筆何淋漓

### 黑龍潭

清潭碧四圍其上盡烟霏施食衆魚聚打鐘雙鷺飛微  
雲弄春色新綠上僧衣昨夜郊原雨龍公或未歸

### 龍泉觀看梅花

不須古幹問唐年

觀中唐梅傳爲開元時物今已枯折矣

但是冰姿總近

仙微雪客來樵徑外曉風香到醺壇前此生最稱空山  
隱自古無多好句傳第一難忘朋舊約逋翁宅畔跨吟  
驪

答嚴緇生孝廉卽送之黔

文武無方畧平生負國深艱危遂如此嘯詠復何心邊  
地才尤少勞生病易侵更誰相慰喻佳語似風琴  
一飽不可得去家依故人疲驢萬山雨小別亦酸辛鐵  
鎖蠻江渡松明店壁塵此行無劫帥書問慰慈親  
自今

屹屹長沙郡諸軍望節旄幾旬虛玉帳

特詔負銀刀

遇必

弱羽驚弦怯狂鱗脫網逃自今江漢

上無計息風濤

上游

百尺牙旗扼上游投鞭直可斷江流驚烽千里傳湓浦  
急懼諸軍返石頭頓缺金甌良可痛不沈鐵鎖坐無謀  
古來采石黃天蕩多少勲名一戰收

湯雨生協戎

貽汾

輓詞

雨生一字琴隱去官後家金陵咸豐三年城陷賦絕

命詞投

水死

不設防江策倉皇寇已深諸軍皆棄甲一慟遂亡琴殉

國悲三世

君大父官臺灣死林爽文之難君父亦從死

題詩激衆心杭州遊

賞舊回憶涕沾襟

寄江南友人

月黑烽明未曉天  
滿城烏鳥亂啼烟  
文章江左消沈盡  
賸有蘭成賦一篇

夏涼

遠空乍覺熱雲浮  
薄暑旋從小雨收  
欲卸吳綿還怯曉  
長捐班扇不因秋  
樹陰籠馬村村路  
山氣搖鐙夜夜樓  
一味清涼宜病骨  
肯因蠻徼惜重遊

雨

雨聲破夢似潮聲  
雲罨書堂午不明  
乍報六河齊起水

城外六河水大  
長謂之起水

昨聞萬耦已催耕香羅細葛空箱疊瘦

草肥苔暗徑生忽憶牙旗方督戰欲憑乾鵲卜新晴

時東

川府屬回匪滋事吳頸甫  
制府往勦因雨屢改師期

後貢象行

有序

咸豐三年緬甸南掌遣使貢方物馴象其一也

會粵逆寇楚驛路梗象無由致滇之督撫

臣

請

於朝

詔令使者歸其國而宴賚之如至京

師例象則畜之滇以待賊之平也

緬甸來南掌來聯翩九象城門開

緬甸象五  
南掌象四

傾城走看

笑復語鎮邊門外聲如雷節堂鼓吹宴蠻使金刀切肉

雜羊豕象奴牽象雙復隻頭上吳綾紅十尺蹣跚萬里  
趨神京

詔謂貢象母遠行芻茭驛路吏事急鐵騎萬匹方南征  
我憶乾隆太平日象房多似尋常物午門鹵簿極輝煌  
停貢頻年亦何恤象兮象兮莫惆悵菜海秋風地閒曠  
白鹽赤米且飽餐他日終依

紫宸仗

乾隆閒畜象多至三十餘隻  
詔停象貢

待鶴

待鶴微波榭尋碑敗葉廊竹深偏礙月花晚不驚霜骨  
瘦詩翻健心清夢自長簪纓與蘿薜未用較低昂

荅緝生

萬里麻衣淚來穿棧閣雲還聞絕交論

來詩有西華葛帔語

誰念

送窮文梁苑風猶在

舊與瑞郎時有酬唱

燕臺日易曛幾年流落

恨北雁總愁聞

退膜空諸妄吾今已病忘青山付歸夢白髮悔詩狂忽

枉瑤華贈如聞微妙香空勞話勳業崕影向顏唐

君問當官事迂疎負

聖明天高百蠻遠恩重一身輕小劫民何罪

勦辦回匪甫蒞事

經年政未平方今重頗牧白面敢談兵

嗟嗟誰壯士赤手挽天河歲久軍資盡江寒戰骨多

時

南郡縣多失守客心愁欲絕歸路近如何何日駕湖畔相攜聽  
權歌

同人攜酒集萬壽庵看茶花

又發新枝間舊枝千跗萬萼映瓊卮遠尋勝地閒難得

老愛奇花醉不辭遊賞別傳前輩事

前明茶花以歸化寺爲第一纖

妍羞作女郎詩更穿野徑探春色已報城門下鑰遲定光

寺茶花與此相亞歸途當往觀也

三十本梅花小榭鄭夢白中丞所書額也花時小

憩偶作

躡屐花外來見花不見屋詎止三十枝種定後人續地



煖霜霰稀殘葉接新綠風定香忽來坐久看未足寥寥  
復寥寥鶴去客自獨

送蘇溪督師往遵義

君肥固非癡我瘦亦不狂欲和不欲同同官憶黔陽去  
子遠適蜀書問亦有常今者奉

朝命先後臨南臺君才宜節鎮我豈才相當話舊諧夙  
願循分實悚惶昨聞買駿馬縛袴作急裝長弓大羽箭  
將以射天狼甲士羅萬帳朱旗耀崇岡此去速滅賊吾  
民多流亡臨歧何所贈欲語心傍皇秋瘴苦未已霑子  
衣與裳軍中自蓐食量腹庶無傷節制如治師守弱毋

恃強

伊園西南隅仿京師郊外茶肆爲茅屋數間聞是  
吳淪齋中丞與賓僚燕閒遊憩之所

土竈亦不大石案亦不高壁閒塗白堊屋上堆黃茅茶  
器雜羅列彷彿遊燕郊燕郊下淀園計里四十遙當暑  
日色赤人渴馬甚勞庵藹林塘閒解鞍息塵鬣清風來  
徐徐巾履覺蕭聊回頭憶往蹟歲月如風飄吾宗頗好  
事構屋同茶寮紗帽自煎喫風流揮塵毛近來吏事冗  
賓朋廢招邀乳泉空自佳負此枯木瓢

書嚴比玉太守廷珪遺稿後

萬里相尋一面難，遠從細賸跨戎鞍。  
君守順甯以舊甸，搆兵往勦未幾疾歿。余至滇，幢幢燈影翻遺草，還帶姚關瘴雨寒。

半壇分煥故人偕，貧馬殘芻慣作齋。莫笑使君無長物，

傳家詩筆早安排。  
哲嗣縉生，孝廉工詩。

戴簣帆侍御綱孫吟禪醉隱卷子

耽詩耽酒兩非狂，嗜好酸鹹別有腸。摩詰無言掃文字，

陶公一醉到羲皇。難將微妙從人說，已覺沈冥與世忘。

拋卻朝簪尋冷趣，五君原不數山王。

弟子千人講授新，  
時主講育材書院晚歸大澤似楊倫。酒尋舊

對情猶劇，詩送殘年味更真。契悟終歸清淨慧，周旋無

過影形神西南萬里烽塵遠難得閒雲付此身

題箕帆陸山載筆圖

昆明舊無志箕帆蒐輯成書故爲此圖

嶺路盤蛇似

陸山亦名蛇山

鄉心倦鳥還貧留千卷在老借一

燈閒縱筆周秦後開門紫翠間他年添野乘應喚戴公山

又題箕帆寒齋味雪圖

昆州冬煖天老晴日日風聲無雪聲先生於此縛茅住  
胡以味雪爲之名三歎向客言生小耐寒餓仰訴苦覺  
蒼昊遠瞠視不識朱門大三旬九食可憐生長安恥食  
侯家鯖一官臭腐殊自厭乃有鷄鶩紛相爭酸鹹衆嗜

無一可只許雪味同吾清歸來疲曳無所往安得故人  
乘興訪狂吟百篇賸千卮草堂正是梅花時世人儻問  
雪何味但味先生篋衍詩

乙卯正月六日萬壽庵看山茶和崔正甫觀察

光

笏韻

又見新韶換物華梵天長是護丹霞客來三度不知老

春滿九州無此花小築地寬新句滿

庵側新構三楹爲宴賞地故人

天遠亂山遮

王廉普觀察倡議修築今在黔中未歸

明年翠琰同誰把惆

悵吟懷向夕笳

余時將去滇

爲黃矩卿侍郎

琮

題雪樓圖

圖爲督蜀學時作

秦棧蜀棧天下奇平生四度鈍馬騎雪中光景尤奇絕  
凹凸刻畫森角圭羶裘重戴凌絕頂玉龍挾我空中飛  
有時瘦日掛雲腳世界照耀銀琉璃蜀遊君亦傳高唱  
山氣壓人詩與抗煌煌使節天上來不是酸寒驢背上  
籠鞭犯曉忘噤痒錦囊從者翻惆悵還朝幾年乞歸早  
買縑索畫鹿牀老酹士侍郎畫一天寒影落魏臺萬里輕裘  
記鴻爪南雪到地微壓塵漢中少雪紙帳煖臥梅花春應憐  
齒豁頭童客又逐騾綱西入秦余時調任陝撫將取道于蜀

雨後溪漲宿野人家

傍澗路十里百步通一橋駛雨衆泉下橋上翻銀濤瘦

馬不敢度前村隔遙遙矐黃困進退萬事適所遭野人  
有破屋厚意苦相邀脫粟幸一飽詎用求濁醪因言田  
中禾明日應更高一雨勝珠玉但益行人勞我勞亦何  
有所望倉廩饒語久夜色闌開門風騷騷忽見衣上月  
已白前山椒

暑行

日色滿天地暑行無緩程偶來村樹坐愛此溪風清野  
老相與語短籬雞忽鳴方知列仙境渾不隔東瀛

褒城驛病中作

客路親童僕殷勤問疾餘驗方求暑藥薄味薦秋蔬夢

落滄波外詩成夕露初閉門三日臥轉與俗緣疏

寶雞阻雨

渭水復汧水風濤高駕天新秋偏苦雨野渡本無船候

騎青芻費癡奴白晝眠秦臺阻遊興躡屐待何年

汧水漲落

不常向  
無舟楫

庭有石一叢詩船撫陝以其郡中九峰之名名之

鐫字其上

無事此閒坐恍若巖壑幽問我何由爾石氣森然秋上有嘉樹蔭苔蘚被四周一一系之名陳迹幾年留聊以寄所託未用形象求懷哉君故鄉吾亦思勝遊當時塔



射園山色青滿樓良會不可再道路阻且修涼宵或有  
夢散髮共扁舟

入閩監臨偶作

四海紛戰伐貂蟬出兜鍪豈知右文意俊乂方旁求昨  
者關吏報使臣來飛輶有司蒞其事鎖院森清秋東南  
諸州郡禦侮歌同仇懷奇鬱不發得復一試不今年舉行鄉試  
者僅西北數省耳秦隴地氣厚風俗尙不媮文章見志節毋取  
僞與浮寄語九方歟天閑待驂騮

何子貞

紹基

出遊諸縣小除夕始自輞川歸以酒

二器餉之

人事各牽率歲晏尤紛紜浪遊一不顧朝市無此人君  
歸歲已去但見桃符新車馬十二門往來何喧喧閉戶  
且獨酌餘事不足云頗聞會稽酒近亦雜麴真風俗日  
以漓茲味安得醕聊將廚中蓄薦君春盤辛清濁已兩  
忘薄醉亦可欣

花宜館詩鈔卷之十五終

花宜館詩鈔卷之十六

錢塘吳振棫宜甫

古今體詩七十六首

起丙辰  
盡庚申

丙辰新歲偶成四首

滿城桃版絢晨霞此地猶能樂土誇  
新歲與人添白髮故鄉無分對梅花  
難拋禮數門投刺罷押文書吏散衙  
飽飯小眠僥倖極可憐烽火照江沙

陸海神皋異古今南箕北斗幾回吟  
輸將已竭中人產供峙方勞

聖主心小劫蟲沙春慘慘諸軍旗鼓信沈沈  
飛芻輓粟

非容易多少蒼生盼捷音

湖柳春前欲弄姿湖蕪春後漸成絲仕無薄效歸真晚

老尙多情死或遲小聚頗耽親戚話

南中戚屬先後至者七八人

暫閒

容作歲朝詩百年身世慚蓬轉翠嶂紅茶有所思

曩在滇中

歲首有萬壽庵看茶花之會

當時官閣卧蠻烟尙有清娛伴史遷每以衰遲嗟異地  
豈知寂寞更今年荒廚供膳誰調味老骨驚寒欲廢眠  
賴是春風能愛客殷勤披拂向華顛

食餅苦硬切而瀹之以湯遂成飽餐戲作一詩

說餅休嗟我願違注湯薄切手如飛殘牙媿甚盧延讓

凍鼻欣然束廣微意在養生惟取適事須變計豈云非  
閒階摩腹看羣蟻一粒無由療爾饑

義馬行爲就園都統

雙成作

咸豐三年就園督兵勦北路賊賊夜襲營所乘  
馬爲礮火驚逸賊牽馬馬踉蹌不肯行遂獲賊  
乃并獲馬就園義之五年北路賊平還軍西安  
作圖以表其事

礮火燭天天色赭一軍夜驚逸其馬馬不賊屈不受糜  
禽賊馬乃從而歸將軍喜極仰天笑馬亦騰躍當風嘶  
古來烈士誓不事二主嗚呼此馬其庶幾潼關百尺臨

大河揚鞭入關歌凱歌當時共爾決死戰不意老骨歸  
鞍馱主人報爾亦何有索畫索詩傳不朽可惜心肝不  
能畫但從毛鬣論好醜君不見玉山之禾高於山太僕  
歲耗官家錢毛豐肉滿不思騁天荆地棘時方艱安得  
天閑十萬匹盡若此馬能酬恩蹴踏萬里清中原

喜李鐵梅侍郎

嘉端

還關中

落葉不可掃長安秋已深相思復相見一慰酒邊心家  
事貧難了巢痕近可尋入門看繡襖新喜蚌珠吟

之喜

司徒子臨方伯

照

招遊金勝寺

木落霜晴沙路乾，輕輿搖兀似輕鞦。壇前鶴下松陰午，  
塔上雲浮嶽色寒。香城迴環新造像，寺仿吾杭靈隱田字殿塑五百應真  
像清觴酬對暫閒官。出城第一伸眉事，打稻村村笑語歡。

就園都統歸自甯夏

城頭落日角聲催，城外千輪戛怒雷。莫笑將軍頭似雪，  
賀蘭山下射鵬回。

三百三十有三士亭圖爲鐵梅題

有序

乾隆間朱竹君學士鈞督閩學，築亭署中，命所得士以石贊石勒姓名，遂署其亭曰三百三十。



有三士亭嘉慶間汪雨園前輩潤之屬姜王二  
生各爲一圖姜圖後爲徐松龕繼畬得之延平  
倉吏因以贈吳晴舫侍郎鍾駿王圖則鈐以官  
印藏學使署此圖蓋後出乃湯雨生副鎮貽汾  
筆道光乙巳連生攀桂持獻李鐵梅侍郎嘉端  
謂得之陳碩士侍郎用光所汪陳吳李皆先後  
督閩學者圖則陳屬湯畫也丙辰九月鐵梅出  
以示余時余將入蜀促成一詩系圖後

三百三十有三士築亭佳話閩三山兩生繪事妙粉墨  
風流文采爭流傳合離顯晦似數定蹤跡一一粗能言

此圖後出琴隱手風色謾謾雲閒閒太邱去後鮮知者

未免流落塵埃間鐵翁北學二朱後

竹君石君兩先生相繼督閩學

愛

士愛石追前賢造物有意相付畀豈惟翰墨中有緣而

我披圖慟琴隱舊遊同扣西泠舫金陵僑寄成久別一

旦城郭荒榛蒼詩成慷慨死高節廣陵散絕嵇生絃

甫生

詩書畫皆工又工琴琴隱其齋名也金陵既陷賦絕命詞一章蹈水死

圖書散逸不足歎

祇今亭埃紛烽烟朝廷養士二百載當有豪傑緩時艱

譬諸奇石鍊五色破漏爲補媧皇天戢干橐弓武成告

承平再見乾嘉年吾儕巾屐幸會合白頭無事相流連

重搜舊筍出此幅買酒翫賞情非慳臨歧裁句當息壤

翁謂此意然不然

入蜀示從孫

晉

爾亦從吾去吾家慣蜀遊

先府君弟兄及棧諸弟兄子姪多入蜀者

百年庭

樹老一騎棧雲秋夢斷休拋枕山寒早御裘高堂應苦

憶好覓寄書郵

短榻

短榻清如許何曾睡味濃烏啼數株柳月墮一城鐘  
新鬼悲淮戍鄉書隔楚烽時時思縛袴攬鏡媿衰容

自恨

自恨迷先見何能遏亂萌探丸驚斫吏據柵竟稱兵已

歎千家破休誇一鼓平幸無勞

聖慮萬騎正南征

丁巳鶴遊坪石砭廳奸民同時  
搆亂幸不半月而誅捕訖事

### 喜雨

麥畦青減苦乾晴好雨能教市價平一樣芭蕉窗下聽  
曾無點滴是愁聲

### 喜杰兒率細弱至成都

拜跪堂前一笑吟謂余雖老未衰顏十年往事從頭話  
滿屋鄉音入耳來急爲諸孫新左塾更呼舊僕勞深杯  
江南計日殲豺虎終擬全家買權回

### 過雪山關作

此去西南微音書隔瘴烟壯心猶未已衰髮莫相憐樹  
老無人徑山寒未雪天卻愁諸將更衣薄未裝縣

渡赤水入黔境

旌旗兩岸夕霞殷喚渡蠻江幾往還似別故人情未盡  
回頭重看蜀中山

戊午曲陽新歲雜書

絕無畫鼓與紅絃新歲荒城太可憐好是家家鋪綠罽

山中松鬣不論錢

俗以松  
毛鋪地

鶉鴝聲急雨絲催便有癡蠅入座來莫怪今年春太早  
去年除夕已聞雷

朱英絳萼損嬌纖日日顛風颺畫檐不似家鄉二三月  
桃花門巷杏花帘

幾年醺醺斷湖湘蠻俚惟誇汗酒香我是愁多無解法

一杯空注玉浮梁

春然姪以甜酒餉  
吾杭所謂酒娘也

入市青黃只野蔬行厨蕭索食無餘忽驚一箸添珍味

海子新來尺半魚

新年惟鬻蔬菜  
昨得一魚食之

龍虎街期斷市囂衰年嚼雪興難豪

新歲有  
賣雪者

且留饋歲

花豬肉日進杯羹慰老饕

市集謂之趕街子如寅日爲  
虎街辰日爲龍街至新歲則

不復趕  
街矣

曲陽春感和沈朗山明府

壽榕

元韻

少壯消磨付管城無端衰齒忽談兵已拚拙被時人笑  
早合歸從野老耕烽羽影沈金馬遠江湖夢寄白鷗輕  
愁心不比階前草直待春來始漸生

願呼壯士挽天河何日千村罷荷戈世事紛紜蠻觸鬪  
邊山荒遠虎狼多昆明劫大灰餘跡洱海風狂水易波  
自古花門留禍本寸心愁絕杜陵歌

最羨屠蘇酌後先春盤聚飲雜腥羶豈知遠道移家客

仍闕諸孫押歲錢

去年四月兒子率諸孫自浙至蜀而余以八月由蜀入滇離別十餘年迄

未得同拈

鐵甕捷書傳絕徼

時方得鎮江收復捷音

布帆歸計決

明年祇今病骨支離甚無地酬恩默自憐

草檄飛書幕府才揮鞭同踏瘴雲來抗聲白雪今誰偶  
買骨黃金古有臺奇氣乍驚刀出匣深談易遣燭成灰  
短衣萬里龍鍾叟愁裏雙眉仗爾開

題太華山寺巖栖上人照

西嶺日在望秋風吹更青潮音滿山寺

山下卽  
滇池

晚帶魚

龍腥居士瓶盃舊破屋窗戶清知余鄉中事曾聽湖上

鶯

巖棲嘗  
至杭州

近來嬾不出荒草雙扉扃齋粥尙可飽短句

亦偶成古今多蓮社賢達無淵明傷哉仕宦客旦暮干  
憂并

病中書巖栖詩藁後



多少清才繼七僧

西湖雲林有榜曰七代詩僧之室

廿年湖水夢無憑

余去杭州幾三十年矣

豈知戰火蠻煙外分得詩禪無盡燈

寒花香護講經臺海上諸峯翠作堆不是支筇無氣力  
尋詩早過虎溪來

空心石

座鎮沅中有泥丸有去之而製爲水盂花瓶者

聞有空青石澄澄水盈腹能令盲者視功載桐君錄此  
石似不頑山中或同族惜哉塞九泥氣遂判清濁於人  
既無補抱質慚碌碌製器具體微未免童豎辱貴賤豈  
人操要視中所蓄

昆池行簡家荔裳學使

存義

昆池自古水倒流兒時聞在天盡頭勞勞歲月付行路

君來兩度我三度君來後我二十年風景未必如從前

登樓高詠數陳迹

君初次督滇學時有登彩雲樓及登樓看雨諸作

且喜無事

心悠然前年駭浪奔鯨鰐白骨成山血成壑城門晝閉

畫角哀鬼聲飄飄沸林薄豺虎居西鄙猩狒嗥東隅其

南地熱盛瘴霧妖蛇毒虺相吞屠喋血千里畚丁廢畊

夜聞野哭不聞雞鳴津梁不可越輶傳焉得行轅門寂

寂停迂鼓故書質酒杯獨舉門生不來吏遁匿醉抱枯

琴臥寒雨今年相逢北門下城頭大旗日如赭日如赭

千山秋斷劍不可舞破缶誰能謳眼中歷歷認城郭鶴

本生傳言金 卷一  
語悽惻生繁憂蠻花惱人尙豔發懷舊已失花閒樓君  
今憔悴欲東去我尤疲茶官宜休方與蕩蕩天四周安  
得一壑與一邱我今何以爲君謀君不見大弓黃間箭  
白羽諸將中原紛部伍

冬煖

陽和不借酒通神白醉南窗睡息勻甚盼雪光明屋瓦  
偏饒風力舞街塵高田醫旱愁無策窮巷號寒尙有人

桂布吳棉何處覓空吟萬里煖如春

旗中棉花及布皆  
販自別省道路多

梗販者不至價日騰  
貴故用白傳詩意

書荔裳榴實山莊詩稿後用前韻

羨君使筆妙如神文質相宣骨肉勻  
豔絕萬花都照海飄然一鶴欲離塵  
天邊鼓角悲清夜夢裏江湖有故人  
回首簪毫賸和日上林還是太平春

十二月十四日姚實庵

錫華

鄧子久

爾恒

汪慧生

之旭

繆可齋

閱

四觀察夜集致爽軒疊前韻

窮猿飢雁最傷神賴有諸公惠澤勻  
論事祇令添鬢雪舉觴聊與掃心塵  
梅花笛裏初圓月竿木場中罷舞人  
應爲衰顏儲臘甕東門帳飲及初春

題家荔裳繫懷圖

圖十六冊蘆溝曉渡泰岱秋吟華嶽聯鑣劍門策騎洞庭待漲

赤壁停橈鄱湖對月鍾阜看雲采石登樓西湖泛艇洪水憑橋霍山攬轡飛雲勝覽翠海重游

皆游跡也後繫以南齋入直江  
渚退耕二圖紀恩遇志歸思也

吾宗少居貧孳經穴幽窅才名動京輦老輩服神巧翔  
霄謝燕雀噴玉騁驥褭辦裝具琴書乘傳盛輿阜消磨  
幾兩屐歲月過飛鳥江山尙歷歷烽羽忽擾擾鄉關望  
金陵殺氣陣雲繞空聞斧鉞錫未見櫓槍掃其餘舊遊  
歷塗地半肝腦淒響咽鼓鉦焦原蕩城堡流亡聲嗷嗷  
宵旰憂悄悄無能效馳驅何日翦凶狡回思被

殊寵侍直備咨考出入依日光賡颺奉

宸藻念此報答難乞退不忍早轉輾成淹留憂患促衰  
老清時會有待夙願冀可了作圖詳始末出處不草草

幸哉故園存尙可藝葵蓼租稅有餘錢伏臘有清醪雞  
柵樹及時牛宮占得兆冬學召村童春夢話隣媪餘生  
荷

恩澤陳迹墮茫渺田歌清且閒齒髮百歲保

又題二絕句

萬里山川尺幅收細看都是我曾遊船牕店壁經行處  
見我狂題舊句不

我亦先朝老翰林南齋君被

主恩深金鑾故事燈前話多少天涯感舊心

十二月二十三日奉

諭旨准開缺回籍安心

調理感

恩恭紀

知遇

三朝感激深更叨

溫語許抽簪諸軍未盡鯨鯢黨何日纔安犬馬心朋輩

卅年存碩果襟期千載託枯琴酬

恩無地身先老倦羽羞言戀故林

病榻口占

經年病骨太支離謝事休防俗客疑出處豈容蛇畫足  
姓名羞說豹留皮禍猶未已千瘡痍事到難言一涕洟  
慚愧故人勞注望春濃花發數歸期

盤江鐵索橋歌

此江甚廣不可梁此水甚怒不可航山高入天下入水

兩岸壁立青相當千緮百杙此橋就鐵鎖連屬百丈強

幾時改驛馳驟裏行旅爭言新路好百年榛荊瘴烟深

獸跡日多人跡少

此橋本驛路雍正間改驛遂不經此比因苗亂新路梗阻故復從此路行

也近來新路復多阻峒苗披猖擾烽羽掃除既恨兵薄

弱徵輸更歎民困苦荒坡高下田不耕破竈欹斜店無

主行人懼掠求故道膽落危橋戰雙股江上風雪聲蕭

騷我來急爲呼掾曹今年請錢速修築毋使鐵爛橋動

搖兵行似從枕席過煙塵要使須臾消君不見西征萬



騎雄且武薄伐事在康熙朝

康熙間征吳三桂一軍從此路入滇

### 至成都

錦里花如許東風殢曉寒身經幾回到

余幼時侍宦蜀中迨己酉爲蜀

藩丙辰膺蜀節今又由滇入蜀蓋四度居此矣

心作故鄉看漫說思歸久休嗟

卻疾難孤軍投絕徼原不望生還

書強忠烈公

克捷

手蹟卷子後

有序

嘉慶癸酉直隸逆賊林清與滑縣人李文成牛

亮臣等謀剋日作亂忠烈知滑事廉得實禽其

渠械治焉賊黨謀劫獄囚不及期先發城陷忠

烈一家三十五口殉義死而郡縣皆嚴備兵林

清犯京師滑黨無得至者故立就夷滅 仁

宗皇帝錄公爲功首有功在社稷語褒贈之禮  
甚備咸豐己未九月公子前忠州牧望泰示以  
公手蹟卷子家書二遺囑一論李忠愍毓昌死  
事文一再拜三誦而系以詩

洪爐發猛火良玉光不蝕烈風西北來勁草衆始識  
惟嘉慶朝文武多英特心肝奉

至尊臣節繇是植紀年當癸酉京輦余旅食晝驚妖  
長直掃帝垣側九門斷車馬氣色盡惶惑赫赫威烈  
槍一破天地黑電旗挾雷鼓中夜掃狐蜥清蹕在近郊萬

騎旋寶勒晏然遂無事天蓋相有德林清之亂宗在上書房聞警

馳至養心門槍斃二賊賊始退後仁宗命承恩公

和世泰宣旨錫槍名曰威烈是年仁宗秋獮

至伊瑪圖山潦發遂旋蹕故亂甫先時白波寇遠結黑

作而車駕已在近郊人心遂定

山賊滑臺實凶巢牛李姦叵測苟非巨刃揚孰能翦其

翼外賊應期至三輔旤愈亟神都百萬戶懸命在晷刻

偉哉忠烈公摘發無伏匿恨未膏斧礎獄底係徽纆先

發勢轉孤計早亂源塞嗟嗟城隍隳小縣闕兵力闔門

卅五口橫尸慘閨閭大吏疏以聞

天子驚歎極推原事本末煌煌下手勅謂非尋常功功

乃在社稷風轉四十年回首猶記憶賢子政甚清抱卷

日拂拭卷中千百言精氣貫簡墨訓家勗儉勤論事豁  
忠直剛腸無巧舌讀者但太息就義真從容視古顏無  
惡方今久苦戰徵調徧南北將吏豈不多烽燧胡未熄  
昔時亂則戡未至憂蹙國長歌淩霜曉述往意淒惻作  
歌者爲誰先朝史臣械

慈竹吟

有序

登州張牟子明府

香海

應試都門時太夫人劉

作墨竹一幅訓以直節虛心語並大書一兒干  
里去二老寸心隨隸書十字同寄焉牟子官蜀  
久善爲政頗與躁競者異趨秉母訓也今年以

畫竹卷子示余因綴數十字於後

美哉竹森不折虛者心勁者節畫竹遠寄兒寓義于畫  
指代舌一枝一葉皆苦心豈以鈎鎖論工拙方昔寄畫  
時母老痛生別而今畫空在兒老腸斷絕吁嗟乎石可  
泐水可竭竹上之淚不可滅

將歸

鎮日心如醉今年髮更稀愁多難卻疾老至媿知機蜀  
道兵方動吳船願已違

叙州盜起江路梗阻  
故陸行由秦入楚

莫嫌歸路

遠終勝夢中歸

行蜀棧中晴煖可喜

入棧愁風雪今來喜久晴冰消一澗活山煖亂霞明枕  
戀晨眠穩裘貪病著輕相逢多故侶時勸數杯傾

### 漢南除夕

年年蹤跡與誰親獨把屠蘇最愴神何幸團樂同此夕  
不嫌棲泊作僑人秦亭遠隔天邊夢漢水潛回雪後春  
計日歸艤東去蚤舊廬花事鬪鮮新十餘年來兒輩皆  
攜眷屬至漢中小  
未在前今年由蜀  
住始同拈歲酒也

### 庚申正月十三日立春南鄭令送春牛感賦

午牕睡起一欠伸縣胥打門來送春雙丫小髻衫袴短  
春泥搏作司春神牛身青紅雜黑白干支納甲各有因

雛孫把玩詎解此但喜塗染光鮮新憶我當時作郡守  
歲歲打春例循舊繡袍三巾彩鞭長觀者萬人喧白晝  
上官轅門急走賀朱蓋青旗互馳驟塵埃半世蝕朱顏  
瘦骨於今無可瘦投簪經歲仍羈縻漢南楊柳將生稊  
卸帆何日到故里看扶雨後湖田犁田家養牛得牛用  
芻牧須酬主恩重老向春風只自憐直似土牛鞭不動  
過洋縣問篋簾谷已無竹城中亦無嚮筍者

山中燒筍舊風流今日偏難此願酬酒興詩情都減卻  
一盂蔬飯過洋州

至鄖陽聞杭州陷

錦繡湖山六百年忽驚城郭慘烽烟一家星散今安在  
半路風聞恐誤傳事勢東南嗟已矣諸公戰守太茫然  
干戈滿眼無歸路愁絕春江獨客船

至襄陽聞杭州已收復而城內外焚掠殆盡感歎  
累日

援軍驟至擁雕戈報捷居然捲白波

張公玉良援兵至賊謂是張殿臣副

帥也遂通去僥幸遺黎猶未盡傳聞劇寇本無多已知極望

悲榛莽更恐狂奔脫網羅江上爭看新使節旌旗氣色

近如何

時王公有齡擢浙撫

襄陽客舍



江漢此通津歸舟阻戰塵休拋醉時淚且度客中春學  
恐諸孫廢情惟故僕親書牀勤拂拭莫汙燕泥新

哭戴鹿牀侍郎

熙

俞雲史觀察

焜

侍郎未老先投綬察使言歸久杜門縱是退居無吏責  
何甘偷活負

看恩

杭州城陷之日侍郎投池水死觀  
察持門間橫木擊賊爲賊所戕

破巢完卵應難

問斷幅零縑儻尙存亂後親朋多死徙更誰翦紙與招  
魂

客舍書悶

客裏全家爲避兵一椽辛苦燕巢營書郵日有傳聞語

河南捻匪欲入江戍風多戰伐聲城外設防兵又設礮  
襄樊日有探報船十四隻故槍礮聲  
不絕于耳強飯且貪魚入市不歸真負鳥催耕莫從峴首尋  
遺跡裘帶還傷弔古情

江上口占

樹色隆中近烟光峴首明如何豪傑士不向此時生

盤豆驛

一劍入幽燕回頭五十年當時盤豆驛正是落花天破  
店驢衝路昏燈鼠攪眠雛孫渾未省細與話樽前

提督張公國梁輓詞

歸義尋常事忠勲見此人才推今大將心擬古貞臣殉

國悲倉卒論功劇苦辛中朝詢訪急惡耗恐非真

公陣亡後

屢奉

詔旨詢訪數月後始下恩卹之命蓋猶望其遇救獲生也

主帥何如者真憐乳臭兒倚權違苦諫失計潰全師盜賊爭相賀東南遂不支如公能老壽錢亂豈無時

十月十一日李鐵梅侍郎顏雪廬學士張幼航編

修鍾雨辰殿撰黎鳳樓徐甥潤生兩庶常小集

花宜館卽席得詩四首

開軒看雪薦清觴

是日得頭番雪

應憶宮壺賜玉堂萬里相逢

一相勸七人同館四同鄉風霜客枕寒笳急日夜軍書  
驛路長此會休嫌太真率眼前難得是歡場

九苞文采鳳皇翎先後飛鳴向紫庭金馬碧雞虛奉使

雪廬奉

命督學

滇南中路以病告驚湖鹿洞各談經鐵梅幼航潤生皆掌教書院舊

遊經歲懷春樹

鳳樓去歲自陝入都

快事因風聚海萍可惜未能

招病鶴

少鶴學士以微疾未至

蒼苔白石戶長扃

百年臆唱繼吾宗

杭州自乾隆辛未家頡雲先生得殿元後至今年庚申而辰繼之蓋一百

十年

歸阻江關路幾重塞柳風高寒易水

八月八日大駕東幸

雨辰亦於

嶽蓮秋老問秦封地無兵燹何妨住客盡神

仙豈易逢只是夢魂拋不得半山黃葉曉霜濃

時雨辰太翁笑

溪先生避

跡半山

卅年花負六橋春老向天涯說買鄰廿四科前談往事

五千卷裏寄閒身京華定罷開爐會

聞都中居人多移徙者

朝右

誰爲借箸人莫笑燈前頭白盡酒酣詩膽尙輪囷

與客論澶淵事

麾蓋城頭氣色新豈勞吳蜀走風塵萊公一語君知否  
陛下當誅畫策人

蔣申甫京兆

琦齡

至長安用春間在襄陽倡和韻

作詩亦用原韻答之

襄陽倡和稿已佚

朝廷用一賢能制千里難嘗讀韋公疏此語豈河漢宋  
入恥城下甘心析骸爨焉容揖強寇供饋隆客館何人  
逞狂謀不顧世笑粲

皇都大一統九鼎莫敢玩謂宜濟艱屯諫說詘流漫車  
馬竟驚奔垣市星氣散君時方閒居憂心海無岸出入  
誰可言寂寞日長歎封章未及上字字光照爛驅車入  
晉郊勞苦晨及盱河山揣形勢迎扈畫良算抵掌公卿  
間可半不可半未能羣議諧遂阻大號渙秦川復攜手  
談往意徒亂臧否究亂源論事古今貫吾今苦衰病每  
食憤推案誰能斫姦窟詎乏楚山炭宮府頌清明  
天子有嚴憚

復用前韻答申甫

去年住成都州郡紛變難避兵辦征裘分米向梁漢無

鄰可饋歲有婢聊典爨

去年在漢中度歲

今年來長安萍寓仍

假館身如賃廡鴻心是登樓粲殘冬又行盡歲月難把

玩病羸不出戶真合自呼漫還丹安可求已恐形氣散

東南箭滿眼鄉信斷越岨雖懷首邱願空作思歸歎喜

君數相過照我巖電爛風格聳崢嶸文采恣澔盱牧之

有罪言張蒼多善筭我慙讀書少不及袁豹半每聞捉

麈談頓使俗情渙憶母將還轅琴書理繚亂所居亦異

鄉時復愁徙貫

馬

鸞

桂海夢山勢列屏案何當轉

所韶海寓出湯炭萬里幸生還行役勞豈憚

申甫家粵西以避兵流寓澤州

申甫以詩集見示并辱點勘拙稟復次前韻奉呈

君本列仙儒論詩喜質難志氣尤不羣鴻鵠薄秋漢清  
響流人間豈類散木爨多年領劇職不戀蓬萊館勸課  
先耕桑推勘到薪粲偶然得燕坐時復一吟翫昌黎語  
自硬杜老興多漫乃蒙牙絃契謂未溺邪散豈知非寶  
筏渾未識彼岸空爲莊舄吟敢望蔡邕歎君如日初出  
光映五色爛我年迫衰遲巖景已及盱計較傳不傳此  
意真謬算行將焚筆硯日得靜坐半萬事看塵飛千愁  
自冰渙秋眺雲物青春賞花鳥亂閒遊短筇攜坐釣長  
綸貫徹帚何足珍蠹粉任盈案儻更疲心神希涼翻抱  
炭虛聲亦何爲不聞無憚憚



花宜館詩鈔卷之十六終